

榕城歲時記

日 采

記 城

歲

榕城歲時記傳鈔記

榕城歲時記一卷。具題晉安戴成芬。世襲纂輯。東冶黃燠。首藪參訂。原稿本。二人皆清。咸同間福州布衣。成芬著有于峯小紀。見郭柏蒼竹閒十日語。燠為嚴復之發蒙師。著有閩方言古音攷。附刊於謝章铤說文閩音通卷後。是書絕不見著錄。余積十餘年之力。輯福州歲時風俗類徵。達十萬言。爰采略備。已傳鈔矣。不知有此書。

也。癸卯十一月。福建省圖書館從友人吳君味
雪得之。志澤持以見。眎黑格稿紙。版心有戴笠
農鈔本五字。半葉九行。二十字。字作半行草。
甚娟秀。上黏浮箋。則別一手筆。袁燭就成
芬底本所沾蓋者。觀其體例。略似顧福少清嘉
錄。而考據淹洽。足以抗衡。其中所紀方俗。如端
午之糝絃錫。中元以碁子麩祀先。中炷熾斗用
牛乳。及除夕之黃燭。諸條。均未別見。惟翦裁有

不一致處。殆未定之藁。歟。書極破損。斷爛蕪落。不可卒讀。重裝尚有待。亟為追寫一過。其漫漶處。則檢所引原書校補。或从闕疑。聊效棉薄。俾廣其傳。吾鄉歲時之記。專著無聞。余舊藏有晚清林祖彙閩中歲時雜咏一卷。亦未刊之稿。歸福建省圖書館雖有邦獻可徵。然蕪陋之文采。視此遜矣。是月望。月全食之夜。鄭麗生記。

成考大富聚者曾見酒考揭四部叢刊
有景印其書藏者一特記不出何自

榕城歲時記

晉安戴成芬芒農纂輯

東冶黃頰肖巖參訂

供歲飯

臘仙神隱元旦三更設香燭酒果供獻于天地前五更家長率合家焚香祈答上帝致祭平日供祀神祇以祈一年之福案

卽今之供歲飯。通雅。閩人通呼飯爲餼。正齋瑣錄。字書食旁
作卞。扶萬切。

空帖拜年

元旦少長序拜。戚友相過賀。無敢或簡。近有以空帖而身不至
文徵明拜年詩。不求見面惟通謁。各紙朝來滿敬廬。我亦隨人
投數紙。世情嫌簡不嫌虛。見甫田集。清波雜誌。載元祐間新正
賀年。有持門狀遣僕代往。其人出迎。僕言已脫籠矣。謗云脫籠
者。詐閃也。溫公聞之笑曰。不誠之事。誠不可爲。是宋人已有此

風。

團拜

祠堂有治酒聚拜。謂之團拜。閩書。元旦賀禮鄉里。公相約聚拜。省往復之煩。郡守兩司。率僚屬會焉。舊於貢院。後於承天寺。至清祐間。運卽泮宮。隣里各於側近。蒼宇會集。齒長者推一入具酒案。今俗里社祠堂。猶行此禮。謂之團拜。

節假

宋史禮志。大中祥符元年。詔以正月三日天書降日爲天慶節。

休假五日。武林舊事。冬至三日內。各肆罷市。垂簾飲博。謂之做節。今俗。新正三日。市肆停止。謂之節假。至初五日。謂之開假。閩書引三山志。州人墳塋。盡在四郊。歲節之二三日。華門大姓。率携家拜掃。雖貧賤。亦盛服靚粧。競出城闌。東西北郊之外。冠蓋填塞。故有節內酒亭食肆。凡諸閩闈之家。垂帷下箔。優游歌笑。至開假。迺止。

迎春

立春前一日。郡守以綵仗迎春。牛于行春門外。閩部疏。迎春日。

多陳百戲。盛亭臺之飾。坐嬰兒高梨上。兒皆慣習。了無怖懼。千夫百騎。繞堂皇而出。唱呼跳舞。勞以曆書。惡少輩多舞狻猊。求索尤甚。鄧原岳詩。官府行春咽管絃。大家齊到瓊城邊。就中一種田間曲。貌出村妝絕可憐。

春牛

後漢書。立春之日。百官衣青衣。立青犢。施土牛於門外。隋書。禮儀志。立春前五日。造土牛耕夫犁具。閩都記。忠懿廟。本王審知故宅。在慶城寺北。歷代以來。每歲有司。必牲醪取祠下土為春。

牛。閩小紀。會城迎春土牛。必行閩忠懿王廟前乞土始成。曹能始有迎春詩。馬從太守分驂去。牛向前王乞土來。

打春

縣置春牛於府署。至日絕早。府僚打春府前。夢華錄。閩封府進春牛。又禁中鞭春。百姓賣小春牛。晁沖之詩。不上誰櫻看打春。

宜春帖

立春日。以紅箋書吉語黏戶上。本宗懔荆楚歲時記。貼宜春竟。宜春二字。見晉傅咸燕賦。淑青書以贊時。著宜春之嘉祉。王僧

寶字貼宜春

春聯

歲晚更門帖曰春聯。晉書樓雅說春聯之設。自明孝陵時也。帝都金陵。於除夕前傳旨。公卿士庶家。門上悉加春聯一副。帝親微行出觀。以為歡笑。翟灝通俗編。觀蜀孟昶題桃符板事。及趙庚夫歲除卽事詩。桃符詩句好。恐動往來人。則今之春聯乃源本于桃符板。其無板而以紙代之。別立春聯之名。或昉在明初耳。

接春

甌寧志立春先一日迎芒神土牛於東郊至期欣然放紙炮名曰接春建陽志亦具春餅飲酒及時燃燭熾炭發炮於庭日接春吾俗如之。

看牛遊寺

徐燏榕陰新檢引張世南遊宦紀聞立春前一日出牛于鼓門之前若晴明自晴及旦傾城出觀巨室或乘轎旋轉相傳看牛則一歲利市三日游賢沙四日游天宮六日烏石山之神光寺。

西湖之水晶宮。建暮始散。此皆圖志所不載也。今俗游寺已罷。

請春酒

月令通攷。正月邀客飲春酒。為履端之會。南部新書。唐長安風俗。每歲元日已後。遞相邀迎飲酒。謂之傳坐。吾俗新正請酒。實昉其意。

接神

東京夢華錄。孟春四日祀戶。吾俗以是日開市。焚香楮。日接神。鄧原岳春日雜興詩。送神未已復迎神。午夜中堂花燭新。王士禎

香祖筆記。台灣風信。与他海殊異。風大而烈者為颶。正月初四日曰接神。颶是接神之俗。惟閩有之。閩書。孟陬四日。具儀如臘月送神夜。謂之迎神。

換寶

謝肇淛五雜俎。閩俗元旦不除糞土。至初五日。輦至野地。取石而返。云得寶。則古人喚如願之意也。按今方言為換寶。

玉皇生日

初九日為玉皇生日。家、焚香楮燄炮。望空拜祝。按干寶搜神

記。玉皇乃外國王子之成佛者。具有父母姓名。非卽天也。本行經云。中闕。普度世。故今俗以爲誕辰。崇奉之。

後街燈市

燕都遊覽志。燈市在東華門外王府街東崇文街。亘二里許。帝京景物略。燈市者。朝逮夕市。而夕逮朝燈也。成都古今記。正月燈市。周處風土記。吳中上元一月前已賣燈。謂之燈市。吾閩後街自正月節假內。卽開市賣燈。夜間燈火輝煌。不減京物略所云。光影五色。照入無妍媸。烟冒塵籠。月不得明。露不得下。魏麈